



22219

Kalksburg



Mög. St.-Dr.

P

*Th. Nisnionicki.**electus Rex Poloniae*

*Varsov. Collegii Scholae. Sicut Panegyricus Augu-
stinus Principi Michaeli Korybuti, divinitus
electo Regi Poloniae.*

PANEG. et VITAE


Polon. Fol.

Æ 1635.

Biblioteka Jagiellońska



stdr0004642



PANEGYRICVS

AUGUSTISSIMO PRINCIPI

MICHAELI KOR YBVTH

Diuinitus Electo

REGI POLONIAE,

Lithuaniae, Russiae, Prussiae, Masouiae,

Samogitiae, Liuania, Smolensciae,

Czerniechouiaeque

MAGNO DVCI,

debitae subiectionis & obseruantiae
causa.

A REGIO Collegio Varsanensi

Clericorum Pauperum Matris D-E-I Scholarum Piarum

CONSECRATVS.

Anno Domini M DC. LXIX.



VARSAVIAE,

TYPIS ELERTIANIS S. R. M. Typogr.

Aquilæ maximus honos. Plinius.



22219^m

*Semper honora fuit LECHIS Jouis armiger ALESⁱ,
Omnibus & Regnis semper honora fuit.
Ornavit illam postquam KORYBUTHIA SIGNA,
Ex his est AQUILÆ MAXIMVS sortus HONOS.*

FLORIANUS STANISLAUS KIERDEY Marschalcides.
Grodneſi Studioſus Poëſeos.

DE

—(S)—(S)—(S)—

DEDICATIO.

REX, in æternum Viue. Neque enim TIBI mortalem Vitam optare fas est, quem cupimus omnes immortalē: tūm quòd incolumi TE nos incolumes, felices fore semper non dubitemus; tūm quòd sis immortalī vitā dignissimus, qui Numinis immortalis vires apud Nos geris. Diuinitus ad id Nobis concessus. REGVM enim potestas in terris post DEVM summa & maximū cultum & maximū amorem sibi vendicat à subditis; qui Votorum magnitudine rectè circumscribitur. His onustæ accedunt MAIESTATEM TVAM Scholæ Piæ Varſavienses, ab Inuictissimo Antecessore TVO VLADISLAO IV. hoc in Regnum Augustissimum introductæ, & in hac Regiâ Ciuitate liberalissimâ fundatione cumulatæ; à Potentissimo verò IOANNE CASIMIRO singulariter protectæ atque defensæ, & amatæ; à tota hac Orthodoxa Republica piētissimo sinu exceptæ, & clarissimis beneuolentiæ

A 2

testi-

testimoniis plurimum ornata: itaque & huic, &
Regibus Serenissimis, non modo qui praecessere,
sed sectuturis etiam obligatissimae. TVÆ verò MA-
IESTATI sic deuinctae ac mancipatae, vt sibi nihil
antiquius ducant, quam pro immortalī Vita MA-
IESTATIS TVÆ Diuinam Maiestatem feruen-
tissime, idque perpetuò deprecari. Aspice quo-
que TV AVGVSTISSIME PRINCEPS,
Scholas Pias, sub labaro Diuinæ MATRIS inRe-
gno TVO militantes, vultu Regio, propitio & ele-
mentissimo; & quantum illae se TVÆ MAIESTATI
debere fatentur obsequii, & amoris, tantum M. T.
illis non deneget fauoris & patrocinii. Sub quo se
perpetuò securissimas fore cōfidentes & ornatissimas,
perpetuò se & omnia sua M. T. deuouent, & conse-
crant, vtiq̃ue perpetuò.

MAIESTATI TVÆ

Subiectissimae
Scholae Piae Varisauiensis



R E X

DIVINITVS ELECTVS.



Onscius mihi sum AVGVSTIS-
SIME PRINCEPS, & ingenij
minus fecundi, & oris infacundi, &
quae in quouis Oratore ornat vtruq̃;
nullius authoritatis. Nam ingenium ceteris inge-
nijs collatum prorsus erit meum sterile; os asperum,
& nullis melleae dictionis condimentis delibutum;
authoritatem denique in vmbra Palestrae quam potui
mihi comparare? Videbor itaque temerario ausu in
TVVM Sacratissimum conspectum prodire, & ea,
quae maximis doctissimisque Viris maximum negotiū
facessere possunt, attentans vel arroganter desipere,
vel non sapienter ad ludibrium properare. Sed hoc
totum peccatum TVÆ erit Humanitatis, & Clemē-
tiae; qui cum à TV O mansuetissimo vultu excludis
neminem, imò diuinā illā suauitate ac serenitate vni-
uersos prouocas, me quoq̃; e tenebris in solem elicui-
sti, & ad Maiestatis TVÆ fulgorem irretortis ocu-
lis contuendum penitus attraxisti. In communi igitur
ORBIS POLONI latitiae, tam insolenti tamq̃;
inauditae, vt, ex quo Diuinum PIASTI Caput ad
regimen Gentis ante gentes vniuersas liberrimae assū-
ptum fuit, parem in vllius Principis nominatione
POLONIA non viderit: in festiua propè centum
millium lectissimorum Virorum, qui auspiciatissimae

B

TVI

TVI Electioni interfuere suffragatores, acclamatione, quis non gestiat animo? quis deuoto pectore non conclamet? VIVAT REX! VIVAT SERENISSIMUS PRINCEPS MICHAEL KORYBVTH DVX VISNIOVIECIVS! ante Orbem conditū POLONO Diademati destinatus, prius in Cœlis, quam in terris Electus, prius Diuinā, quam humanā mente præconceptus, prius cœlestibus ostentis, quam linguā mortali inauguratus, PIASTEÆ atq; JAGELLONICÆ Stirpis instaurator, Veræ & Orthodoxæ Religionis propugnator, Libertatis assertor, Patriæ Conseruator, Iustitiæ, pacis, omnigenæ felicitatis, ac melleorum sæculorū Institutor, Amor suorum, Terror hostium, Cœlo carus, terris acceptus, Inuictus, Felix, Potens, Beatus futurus. Hæc non solum ominari de TE AVGVSTISSIME PRINCEPS, sed dubio procul audeo polliceri; cum TE Diuinitus Nobis Regem esse concessum procertò agnosco, & (quò certior Optimi maximique Numinis auxiliorum, cuius nutu Supremum inclytissimæ, fortissimæ, Catholicissimæ Nationis solium conscendisti, sis, atq; constantissimum TVI apud TVOS amorem retineas) hoc ipsum veniā TVā clarissimis argumentis demonstrabo. Faue conatui meo Diuinā TVA humanitate, quā solā fretus Orbis Tribunal non vereor subire, à pluribus forsitan, quàm TV sis electus, an de TE recta veraq; pronunciem, iudicandus. Pār mihi tecū hac in causa (si pateris) fortuna est. Ad TVI famam HONORIS,) vt minimè dubitandum sit, Mundus obstupescet; mea pariter audacia illum rapiet in admirationem: nisi potius id Numini, non audaciæ, sit attribuendum, quòd opus Diuinum Diuino concitatus afflatu aggrediar celebrare.

Non enim TE AVGVSTISSIME PRINCEPS, pro-
uisi atque procurati ELECTORES (vt plurimis ac-

cidisse,

cidisse traditum est) Nobis REGEM statuerunt; non capulum gladij comminantis militis manu percussū, cum dicto, Hic FACIET, quod Augusto Consulatum pepererat, pro TE, suffragia à libero Populo extorsit; nihil ambitionis, curæ, prensationis in TE quisquā aduertit; non petens, imò ne cogitans quidem, electus es; prius TE, REGEM POLONIA salutauit, quàm Competitorem; imò, quia TE Competitorē habere non potuit, REGEM fecit. Diuina id vis occulta egit, cuius proprium est latitantes in solem, educere, fugientes honoris apprehendere, & in apriçū productos ornare. Ita quondam Saulus quærens a-
linas sceptrum inuenit: Dauides euocatus à grege in Regem Diuini populi vnctus est; minimus ē fratribus corporis staturā, maximus dignitate, quàm Dei suffragio promeruit. Adhuc TVA diuiniore est Electio, illi sine certamine Æmulatorum Regijs Diadematis donati sunt; TV duobus Orbis Europæi summis PRINCIPIBUS es antepositus. O arcanū cœleste inauditum! Candidatus non eras, REX es; quod si alicubi Candidatis eras adnumeratus, maior Dei eluxit in TE Virtus, cum factus es ex Novissimo PRIMVS. J, fama, peruade Terras: diuulga hoc ipsis Antipodis MIRACVLVM, cui simile visum non est. Viuente Principe, quem sola mors de solio erat tractura, Comitia Polonis necessariò fuerunt indicenda, vt substituerent legitimum Successorem liberis pro more & iure suffragijs, illi, qui tantum ciuiler mortuus erat. Accendit aurea Libertas, vt ad eius Thronum concurrerent, duos Serenissimos Dynastas; alterum cōmendatione omnium ferè Europæ Principum insignem, alterum propriā Virtute commendatissimum. Cogita, quanti, quàm sublimes Heroes erant, quibus accedere tertius Competitor non audebat! Itur ad suffragia, nominantur;

sed non eliguntur. Dum votorum rota volueretur,
erupit ex ea PIASTVS; non ab humano crediderim
pectore emissâ voce dignissimus sceptro proclama-
tus, & tandem REX acclamatus. Miraculum dixi-
tria fuerunt. REX ante fata mortuus; Candidati a-
tris calculis (et si non Populi Virtutem eorum aman-
tis & venerantis cœli tamen calculis) exclusi, electus
non Candidatus. Vide, quantum Cœlo Tibi fiden-
dum sit, AUGUSTISSIME PRINCEPS, tam fauenti, &
applaudenti TVIS Virtutibus; quas cum haberet,
notissimas, ipsum promouit eas in summi HONORIS
fastigium, & Regiâ dignitate decorauit. Ausim pro-
pè iurare, TE nihil vnquam de Regno TIBI obueni-
endo cogitasse, cum intra TE solum REX esse ama-
res. & velles, auidum domâdo Spiritum. Eten DEUS
TE primò Candidatum TVIS POLONIS POLO-
NVM PROPOSVIT; deinde sic eorum in TE vnâ
Vota direxit, vt inter centû propè millia ELECTO-
RVM, nè vnus quidem tûm fuerit repertus, qui TI-
BI non acclamasset: VIVAT! VIVAT. Serenissi-
mus Princeps Visnouiectius! regnet posteris, beet
Rempublicam tranquillitate, quâ animum gerit iam
beatum; VIVAT, imperet, diutissimè, felicissimè!
Quid agitis? POLONI mei. Itanè rursus amantes
estis Vestri sanguinis, vt eum sceptro admouere con-
tendatis vniuersi? iamnè vobis æqualitatis ratio mē-
te excidit? iamnè metu occupandæ à Propinquis &
Agnatis Regijs Aulæ pœnæ soluti estis? Itanè vos
AVREVS ille CALAMVS infascinnauit? qui nu-
per in Regis Indigenæ laudes amorosè grauitèrque si-
mul excurrrens. *Piastrum ego (scribebat) non amo duntaxat,
sed pereo; blandiente ipso nominis onine, Piastrum, seu gestatorem;
qui concussam & vacillantem hanc Patriam, bonam Matrem, sine
& vlnis velut gestet.* Sed nullus vobis ab eo metus, quem
sacer hic Calamus commendauit. Nec vos egistis,
quid-

quidquid egistis, DEVS EGIT. Eum vos Ducem
hac in ELECTIONE secuti estis, cuius vocis oracu-
lum legistis per Mosen promulgatum: *Non poteris alte-
rius gentis hominem facere Regem, qui non sit frater tuus.* DEVS
Vobis hanc mentem indidit, quâ nihil ab illo salu-
tarius hac tempestate Vobis dari potuit, vt in eius
PRINCIPIS ELECTIONEM omnibus suffragijs
conflueretis, qui est caro de carne vestra, os de ossi-
bus vestris. Audiui ego frequentissimas Magnorum
Virorum voces; tot miracula diuino nutu in PO-
LONA Republica patrari, quot in ea leges, ac fan-
cita consentientibus absque vllius refragatione Ordini-
bus, conduntur, & promulgantur. Neq; id quis-
piam negare poterit, modò consideret studiosissimè,
vetandi & intercedendi potestatem æqualem esse in-
libera hac nobilissimaq; Gente cuius; neq; rationi-
bus a sententia sua, quibus quisq; pro se copiosissimè
abundat, sed magis Diuino nutu quemque deduci.
Hoc olim & ille Romanorum Oratorum & Senato-
rum Princeps Tullius in sua Repub. expendens coge-
batur exclamare: *Quod fretum? quem Eurypum, tot motus,
tamq; varias habere creditis agitationes, commutationes, fluctus: quā-
tas perturbationes, & quantos astus habet ratio Comitiorum?* Quā-
obrem vidimus illa nuper apud nos aliquoties non
sine magno Patriæ incommodo (nisi Deus ex malis
bona eliceret) interrupta, atque ob dissensiones CI-
VIVM irrita. Nunc itaque quid habemus dicen-
dum, cum TE, AUGUSTISSIME PRINCEPS, tam fre-
quentibus Comitijs, qualia nusquam ante fuisse cre-
dendum est, centenīs propè suffragiorum millibus,
Electum REGEM salutamus? Non est hic aliud, ni-
si virtus ex alto, quæ amore Tui sic inflammavit pe-
ctora liberrimorum CIVIVM, vt, cum vel omnes
vnâ, vel multi eorum regnare possent, TE vnicum
è medio sui REGEM statuere maluerint. TIBI vni
de-

creuerunt **HONOREM**, quo quisque iure æqualita-
tis dignum se poterat iudicare. Maeste hac **TVO-**
RV M POLONORVM erga **TE** beneuolen-
tiâ Diuinitus comparata, qualem necdum Sol Orbe
toto spectauit, in vnum hominem à tanto populorū
numero congestam, atque coaceruatam. A Regibus
REX constitutus es, Regibus imperaturus. A **DEO**
dixisse debui, qui cum omnes alios, tum **TE** præci-
puè voluntate suâ Genti liberrimæ **PRINCIPEM** de-
stinauit, perfecit & præfecit. Age **DEO** grates, Gen-
tem, quæ **TE** maximè adamauit, redama; totum **TE**
eius commodis, iucolumitati, ornamentisq; impede.

Venio ad reliqua, quæ **TVI ELECTIONEM**
Diuinitus factam esse Nobis comprobarunt. Cum
enim de **TE** mentio facta esset in campo, repente
examen Apum **ELECTORIBVS** apparuit, seq; non vi-
sendum modò præbuit, sed etiam subiecto pileo in-
fidens colligendum, atq; circumferendum. Non
sum vanus Haruspex, Dei sum Sacerdos; at cum
didici Diuinam in **AMBROSIO** facundiam per apes,
quæ eius infantis ori consedisse visæ fuerunt deno-
tatam fuisse, bonum omen **TVI Electionis** capi,
eam cælitus ordinatam, & **TE** fore sine aculeo **RE-**
GEM, qualem amant apes; castum, quales ipsæ
sunt virginæ volucres; imò omnes earum virtu-
tes moribus & actionibus Regijs expressurum. Cum
autem & alterum ostentum expendo, magis ac ma-
gis in mea sententia confirmor. Nam factâ accla-
matione **TVO** Nomini ab vniuersis iam Regio Ti-
tulo coruscanti, ecce tibi candidissima volucris,
qualem se Ioannes vidisse super **REGEM RE-**
GV M Christum testatus est, tecta illa Senatorij
Tabernaculi circumuolitans, vt olim **VRBANI** Pon-
tificis Maximi, ita nunc **TVI ELECTIONEM** à Di-
uino **SPIRITV** processisse confirmavit. Sanè cælo
datum

datum **PRINCIPEM** habes, **POLONIA**; in
quem non Tua tantum Vota, sed etiam cælestia **O-**
STENTA conspirarunt. **TV**, vt eum legeres, vni-
uersa in campum vnum confluxisti immemorabili
exemplo, & (si benè rerum in Orbe gestarum me-
mini) nullis sæculis nullibi obseruato. **DEVS**, vt
adspiraret **TVIS** Votis, tantæ Congregationi Po-
pulorum vnum Spiritum infudit adeò efficaciter,
vt omnes in vnum **PRINCIPEM VISNIO-**
VIE CIVM coirent. Negasset hoc aliquis, nisi
cælestis **SPIRITVS** seipsum in specie columbæ
niuæ, vti solet, plurimis spectandum obtulisset. Cō-
iicio, **PRINCEPS AVGVSTISSIME**, summo co-
natu, studio, labore, vigilantia, zelo, **DIVINVM HO-**
NOREM in Regno **TIBI**, concesso à **TE**, promo-
uendum, Orthodoxam Religionem custodiendam,
& ornandam, libertatem Ecclesiasticam attollendam
& propagandam, Sanctissimam Sedem Apostoli-
cam honorandam atq; colendam, Summum Chri-
sti in Terris Vicarium amandum; quandoquidem
TVO HONORI excellentiæ, sublimitati sic **DE-**
VS Optim: Maximusq; fauit, vt non occulta solum
virtute, sed etiam manifestâ eius declaratione, **TI-**
BI militauerit.

Verum nè quis arbitretur eorum, qui magni-
fica omnia expetunt, & laudant sola, errasse **POLO-**
NIAM in arte ciuili dum Diuinis instinctibus ra-
pta **REGEM TE** sibi constituit: sciat Orbis, **AV-**
GVSTISSIME PRINCEPS, & **TVI** authorem san-
guinis esse Iouem, **DIVVMQ; GENVS KORY-**
BVTHIORVM DVCVM ex **PIASTEO** atq; **IA-**
GELLONICO semper constare. Qui nolit asser-
tioni nudæ fidem habere, excutiat Annales Polo-
nos, Lithuanosq; & in rei præsentis notitiam facile
delabatur: cui ego dilatandæ insudare ex propo-
sito nec

to nec debeo, nec volo. Tota mea cura est, ostendere, T E ex cælo nobis Principem datum esse. Cur ita? Dicam quod sentio liberè sine adulatione, apud Regem liberi Populi; in virtutis Maiorum TVORVM atq; TVÆ, præmium. Quantum enim de Ecclesia DEI quantum de ipso DEO meruit, ille Diuinus Heros, PARENS TVVS Excellentissimus? qui totam vim rebellium DEO ac Regno schismaticorum suis humeris vnus ac solus multò tempore sustinuit; qui orbem PRINCIPE Patriam ab eiusdem colluiciei crudelitate defendit, eamq; tamdiu, nè in Regni viscera perrumperet, cohibuit, donec Respublica post luctuosissima victoriosissimi PRINCIPIS fata respirasset; qui noluit prius expirare cælestem animam, quam hydram illam Schismaticam insigni clade vidisset confectam, stipatoresq; eius Tauricanos dracones dissipatos. Pro quibus maximis in DEVM ac Rempub. meritis, cum præmii nihil ob temporum calamitatem retulisset, in TE non sanguine tantum sed etiam virtute suum FILIVM illud voluit deriuari. Itaq; DEI solio assistens TE pro se, quod iustitia Diuina volebat, Regiâ Dignitate ornari persuasit magnis meritis perorantibus. Adiunxerunt vota sua magni ZAMOSCI Sacratissimum germen, vterq; pietate ac Religione clarus, vterq; titulo defensoris Patriæ Ecclesiæq; insignis, Aui, Proauiq; TVI Accessit Heroïnæ MATRIS probata DEO viduitas, fortis, constans, sancta, tamq; celebris, vt non sit (loquor modò cum sacra pagina) qui de ea loquatur verbum malum. Quæ si potuit in Juditha Holofernem prosternere, hanc non potuit REGE FILIO beare?

Quid ego memorem, duo fulmina belli, Castorem atq; Pollucem, nostros Excellentissimos Tyndaridas, FRATRES TVOS? quorum virtus
orbi

orbi cæloq; nota multum TVO HONORI lucis attulit, multum pro TE apud Superos institit. Nam si Phinees zelo suo genti suæ summum sacerdotium à DEO obtinuit; hi Diuini cultus ardentissimi propugnatores, & propagatores TVÆ Dignitati apud DEVM non adstipulati sunt? Quid dicam amplius? in ipsis fasciis videris mihi REX esse Diuinitus constitutus. MICHAELIS Cæleste Nomen, hoc portendebat. Impleuit significationem eius ELECTIO TVI præter omnium expectationem confecta: circa quam, cum Diuina operatio consideretur, ex illo ipso hæ Populi exclamationes consurgebant: QVIS VT DEVS? qui infirma eligit vt fortia confundat? Imperatoris ergo cælestis militiæ Nomen iam tum Poloniæ TE aliquando imperatorum promittebat, cum TIBI non sine DEI prouidentia imponeretur. At verò illi, à quibus institutus es, nihil TIBI nisi Diuinum instillarunt, nihil nisi Regium. Sperabant enim futurum TE aliquando eum, qui nunc es; itaq; eâ Sanctimoniâ, eâ Sapientiâ, quæ liberorum Populorum rectoribus competit, imbuerunt. Comparasti cætera multorum Regnorum peragrationibus, studiis Iuuentæ laudatissimis, exercitijs militaribus REGE ANTECESSORE TVO Magistro; eum ad bellum Moschouiticum secutus, quem paulò post ad solium eras subsecuturus. Omnia hæc Diuina sapientia disponebat, agebat, tacitèq; ad hunc scopum, quem attigisti, dirigebat. De virtutibus præterea TVIS quid edisseram? Mauis, TV, illas exercere, quam laudari. Tam verò cognitæ sunt Orbi Polono, vt eas externorum PRINCIPVM, tametsi maximis ac summo opere commendatis, nullo modò duxerit esse postponendas. Vicisti (sine inuidia & contemptu dicere liceat) dotibus animi, quos Suffragijs superasti,
D sti,

sti. Hoc illi sunt professi, qui TE digniorē, quā aliq̃,
 scepro censuerūt, etsi in exploranda virtute solertis-
 simi Platones, Catones rigidissimi in iudicāda. Placuit
 illis TVA prudentia, fortitudo, iustitia, temperan-
 tia; placuit comitas, affabilitas, liberalitas, mansue-
 tudo, præcipua ornamenta regnantium; placuit a-
 mor Patriæ, Libertatis cura, Senatūs reuerentia, Eque-
 stris Ordinis obseruantia; in amicitijs fidelitas, in
 clientelis constantia, promptitudo in beneficijs, in
 iniurijs obliuio, studium recti, honesti tenacitas, mo-
 nitorum facilis admissio, ozorum circumspecta dis-
 simulatio, æquissima compensatio benè meritorum.
 Placuit illis PARENS, bellator Maximus, amor Le-
 gionum, Principum Sol, Heroum iubar, Senatūs il-
 lustre Decus, Nobilitatis splendor, Reipub. fulcrum
 firmissimum, PATER PATRIÆ ac SERVATOR
 Placuit MATER Heroicis virtutibus non minùs quā
 sacratissimis Maioribus & sanctissimo Coniuge Illu-
 strissima; quæ Olympiadis peruersitate non laborat,
 Mammæ auaritiā odit, Agrippinæ ambitionem
 detestatur. Placuerunt cognati FRATRES quibus
 cura est maxima boni publici, fraudis immune pe-
 ctus, candoris plenum; fortunæ, vitæ, sanguis, Patriæ
 consecrata. Placuit cum Illustrissimis Familijs propin-
 quitas atq; coniunctio, cum illis inquam Familijs,
 quæ hoc Regnum augustissimum Heroicis facino-
 ribus, solidissimis virtutibus, maximè illustrarunt, &
 impendio omnium bonorum & honorum, & quæ
 his carior est, vitæ suæ Polonam Libertatem propu-
 gnarunt. Hæc lumina, quæ sparsim in TVIS, in TE
 collecta, Augustissimo Senatui, fortissimoque Eque-
 stri Ordini placuerunt adeo, vt TIBI Sceptrū detu-
 lerint eā mente, quod TE Cœlo REGEM sibi desi-
 gnatum esse ex iisdem luculentissimè cognouerint.
 Ita sane est. Siue enim TVAS TVORVMq; Maio-
 rum

rum Virtutes expendo, siue TVÆ Iuuentutis exer-
 citia atq; institutionem ipsam ob oculos pono, siue
 stemmatis vetustissimi claritatem conspicio, siue cau-
 sam, modum, tempus, instrumēta, ELECTIONIS
 TVI in trutinam accipio; non possum aliter sentire,
 non dicere aliter, quā TIBI Diadema Regni Polo-
 ni cœlitus ab æterno promissum esse, TE quæ Diuino
 consilio atq; nutu liberrimæ gentis REGEM ab eadē
 ipsamet liberrimis & concordibus suffragijs procrea-
 tum. Quare fructu iucundissimè tam præstanti, ex-
 cellenti atq; euidenti DEI munere; gratus esto CI-
 VIVM tanti amoris tantæque beneuolentiæ: & quo-
 ties TE REGEM esse cogitabis, toties, quo pacto
 beneficentissimo Numini hunc fauorem compen-
 ses, & fauentissimæ TIBI Reip. hoc beneficium re-
 pendas, cogitabis. Et DEVM quidem solido cultu
 iustitiæ, pariter atq; clementiæ, eiūq; Honoris pro-
 pagatione, Religionis incrementis, defensione & re-
 uerentiā Cleri, alijsq; Christiano-Regiæ pietatis acti-
 onibus TIBI plurimum deuincies; Rem verò publi-
 cam legum obseruantia, pactorum custodiā, pacis
 procuratione, hostium profligatione, oppressorum
 eleuatione, ditionum recuperatione, & conseruatio-
 ne, luxûs extirpatione, frugalitatis pristinæ reductio-
 ne, bonorum promotione, malorum castigatione,
 virtutum insitione, eradicatione vitiorum, vehe-
 mentissimè recreabis. Fac DEVS æterne, qui huic
 Nostro AVGUSTISSIMO PRINCIPI ipse Regium diade-
 ma destinasti, Ciuium incredibilem amorem com-
 parasti, vniuersi populi studia immensa excitasti, v-
 triusq; sacratissimi ordinis suffragia contulisti; fac o-
 ptimè maximeq; PATER, vt sub hoc PRINCIPE
 POLONO POLONIA reflorescat, distractæ volunta-
 tes cocant, animi offensi concilientur, Orthodoxa
 sacra extinctâ hæresi triumphant, Maiestas Legum
 D2 splen-

splēdeat, amor boni publici in omniū pectoribus arde
 at, agri deuastati repullulent, oppida diruta resurgant,
 Vrbes desertæ impleantur, beata sæcula veniant, &
 solida Virtus omnium pectora possideat, & conse-
 cret. Ipse verò Augustissimus Princeps à TE nobis
 missus, commendatus, impositus diurnā incolu-
 mitate, tranquillā felicitate, constantissimo subdito-
 rum amore, fidelissimā vicinorum amicitia, con-
 tinuāq; Numinis TVI tutelā perfruatur, & serò à
 nobis ad Diuorum REGVM MAIORVMQ; Suo-
 rum immortale Domicilium transferatur.

D I X I.

V O T V M

Ad Serenissimam Virginem

M A R I A M

R E G I N A M P O L O N I Æ

Pro Sacra Regia Maestate.

VIRGO, Poloniquæ magis expetis, Si sacra passim ritè Rosaria
 Regina campi, quàm rutilantium Canuntur hymnis mixta perennibus;
 Regni Planetarum vocari, Si templa toto sparsa Regno
 Sarmaticæ pia cura Gentis. Nulla Tvo caruere vultu:
 Si TE benignam Noster, adhuc puer, Assiste Nostro proxima PRINCIPi,
 PRINCEPS Patronam legit, & inclitū Scutūq; magnæ protege dexteræ
 Nomen perennibus Tuorum Meinemq; Regiumq; corpus
 Inseruit tabulis Clientum; Magnanimos stimulas ad ausus.
 Si TE stupendo tota POLONIA. Hoc Rege nobis mellea sæcula,
 Cultu celebrat, si TIBI Sabbatha Vnāq; deduc aurea sæcula;
 Siccis in escis transiguntur, Nostriumq; cœu TVM gubernā
 Si placitæ resonant Coronæ, PRINCIPES cum MICHAELIS Regnā.



161. 1. 21

